



新刊監本冊府元龜卷之二百一

閏位部

祥瑞

聖之著者天乃降祥德之應者物斯為瑞其所由来尚矣自建
安之際寓內分裂江表傳祚高齊革命施及梁室實分正閏而
建邦立社創業敷政苟非膺神明之眷集玄黃之祐亦安能端
委南面拱揖群后哉故其穹昊之錫祉昭於懸象動植之效靈
彰于品物寶藏攸發坤珍總萃斯皆稽篇章而可復列圖品而
焯叙形於感召謂之休徵者焉

蜀後主景耀元年史官言景星見於是大赦改元
吳大帝以漢建安二十五年正月自公都鄂改

八歲

五月建業言井降降

臣欽若等此已凡不書曰正史臣

黃武元年三月鄱陽言黃龍見

二年五月曲阿言甘露降

四年六月皖口言木連理

五年七月蒼梧言鳳皇見

黃龍元年四月夏口武昌並言黃龍鳳皇見因改元黃龍

三年夏有野蠶成繭大如卵由奉野稻自生改為禾興縣

六月會稽南始平言嘉禾生

嘉禾五年三月武昌言甘露降於禮賓殿

赤烏元年三月零陵言甘露降

八月武昌言騏驎見有司奏言騏驎者太平之應宜改年號詔

曰間者赤烏集於殿前朕所親見若神靈以為嘉祥者改年宜

以赤烏為元群臣奏曰昔武王伐紂有赤烏之祥君臣觀之遂

有天下聖人書策載述最祥者以為近事既嘉親見又明也於

是改年

二年三月零陵言甘露降

五年三月海鹽縣黃龍見

六年正月新都言白虎見

七年秋宛陵言嘉禾生

九年四月武昌言甘露降

十一年四月雲陽言黃龍見黃龍二又見武陵吳壽光色炫燿

五月鄱陽言白虎仁

瑞應圖曰白虎仁者王者不暴雲仁心不害也

十二年六月戊戌寶鼎出臨平

八月癸丑白鳩見於章安

廢帝建興二年十一月大鳥五見於春申

五鳳元年交趾稗草化為稻

景帝永安三年三月西陵赤鳥見是歲得大鼎於建德縣

四年九月布山言白龍見

五年七月始新言黃龍見

六年四月泉陵言黃龍見

是歲青龍見於長沙白燕見於慈湖赤雀見於豫章

後主甘露元年四月蔣陵言甘露降於是改年大赦

寶鼎元年八月所在言得大鼎於是改元

四年正月西宛言鳳皇集改明元年為鳳皇天璽元年吳郡言

掘地得銀

一長尺廣三分刻上有年月字

宋高祖永初元年七月青龍見義興陽羨

八月癸巳白虎見枝江是月青龍二見南郡江陵

九月庚辰甘露降丹徒峴山

十月庚午甘露降興寧永寧二陵彌冠百餘里

二年六月丁酉白鳥見吳郡婁縣太守孟顛以獻

少帝景平元年五月癸未白麋見義興陽羨太守王淮之獲以

獻十月白虎見桂陽來陽

文帝初封宜郡王景平二年六月將入奉大統白筆見南郡江

陽太守王華獻之以為休祥

元嘉元年七月壬戌白燕集齊州城上庭宇經九日乃去衆
燕隨從無數己巳白雀見齊郡昌國

二年五月北征長史廣陵太守范邈上言所領與縣前有大浦
控引潮流水常淤濁自此以來源流清潔纖鱗呈形故老相傳
以為休祥

十月嘉禾生潁川陽翟太守垣苗以聞

十一月丙辰白鳥見山陽太守阮寶以聞

三年閏正月己丑甘露降吳興烏城太守王韶之以聞

三月甲戌丹陽湖孰薛爽之獲白鳥以獻

四年五月辛巳甘露降齊郡西安臨朐城

七月乙酉白雀見北海劇縣

十一月辛未朔甘露降初寧陵己丑甘露降南海熙安廣州刺
史江桓以聞

五年四月乙巳白麋見汝南武津太守鄭據獲以聞

五月庚辰白雉見東莞莒縣峒岷太守劉玄以聞

七年丙戌白鹿見東莞莒縣峒岷山太守劉玄以聞

六年九月長廣昌陽淳于邈獲白兔青州刺史蕭思話以獻

七年七月乙酉建寧康穎擔湖二蓮一帶

八年肆月乙亥東莞莒縣樹連理太守劉玄以聞

五月辛丑白雀集左衛府

是月甘露降南海番禺

閏六月丁亥司徒府白從伊生於淮陽昌獲白兔以獻

八月木連理生東安新泰縣

九年正月白鹿見南譙縣豫州刺史長沙王義欣以聞

三月嘉禾生義陽豫州刺史長沙王義欣以聞

六月木連理生營陽冷道太守王辰禽以聞

十一月壬子甘露降初寧陵

十年七月己丑華林天淵池芙蓉異花同蒂

八月嘉禾生汝南苞信豫州刺史長沙王義欣以聞

十二月營城縣民成公會之於廣陵高郵界獲白麋鹿以獻

十一年五月丁酉齊郡西安宗顯獲白雀青州刺史段完以獻

六月乙巳吳郡海鹽王悅獲白鳥楊州刺史彭城王義康以獻

八月甲辰甘露降費縣之沙里琅琊太守呂綽以聞

是月嘉禾一莖九穗生北汝陰太守王玄謨以聞

是年

臣欽若等曰此以下凡不書月並史臣闕

朱草生蜀郡郫縣王之家益州甄法

崇以聞

十二年正月白麋見東萊黃縣青冀二州刺史王方回以獻

二月丁卯南郡江陵庾和園甘樹連理荊州刺史王臨川義慶

以聞

是月馬頭濟陽柞樹連理豫州刺史長沙王義欣以聞

是年衡陽湘鄉醴泉出縣庭荊州刺史臨川王義慶以聞

十三年二月丁卯甘露降明巴山

是月甘露降吳縣武康董道蓋家園樹

三月戊辰義興陽羨令獲白鳥太守王暕甲午甘露降初寧陵

四月辛丑武昌縣章山水側自開虫
宣以猷

七月甲戌濟南朝陽王道獲白兔青州刺史段充以猷

五月己酉會稽郡西南向晚忽天无明有青龍騰躍凌雲火雨

後滅吳興諸處並以其日同見光景揚州刺史彭城王義康以

聞

十四年正月丙申白兔見山陽縣山陽太守劉懷之以猷

二月宮內螽斯室前梨樹連理豫州刺史長沙王義欣以聞

五月甲午白雀集費縣負外散騎侍郎嚴敬家獲以猷

是年白雀二見荊州府客館白鹿見文鄉白燕集荊州府門則

史臨川王義慶以聞

十五年六月白雀見建康定陰里揚州刺史彭城王義康以猷

七月壬申山陽師參獲白兔南兖州刺史江夏王義恭以猷

八月白雀見西陽江州刺史南譙王義宣以猷白雀集延康都

亭里揚州刺史彭城王義康以聞

十六年二月白雉見陳郡豫州刺史長沙王義欣以聞

三月己卯甘露降廣州城北門揚州刺史陸徽以聞

七月壬申華林池雙蓮同幹

十七年四月丁丑甘露降廣陵永福里梁昌李家樹南兖州刺

史江夏王義恭以聞

五月甲午白鹿見南汝陰宋縣太守文道思以猷

壬寅白雀二見荊州後園刺史衡陽太守李以聞

七月武昌崇讓鄉程僧愛家候風木之丘江州刺史臨川王義慶以聞

十月尋陽弘農湖芙蓉連理義慶以聞

十一月乙酉甘露降樂遊苑

是年甘露降高平全鄉富民村方三十里中徐州刺史趙伯符以聞

十八年二月癸丑白雉見南汝陰宋縣太守文道思以獻

五月甲申甘露降丹陽秣陵衛將軍臨川王義慶園揚州刺史始興王濬以聞

六月白燕產丹徒縣南徐州刺史南醮王義宣以聞

甘露降廣陵孟玉秀家樹南充州刺史臨川王義慶以聞

七月吳郡益官子玄獲白雀太守劉禎以獻

八月庚午會稽山陰商世寶獲白鳩眼足並赤揚州刺史始興王濬以獻

十二月木連理生歷陽劉成之家南豫州刺史武陵王駿以聞

十九年四月戊申白龜見吳興餘姚太守文道思以獻

五月丁卯甘露降建康司徒叅軍督護顧俊之宅竹柳乙亥甘露降馬頭濟陽宋慶之園樹太守荀顛以聞

是月山陽張休宗獲白麋海陵王文秀獲白鳥南充州刺史臨川王義慶以獻

七月白鳥產晉陵暨陽僑民彭斌劉元秀宅樹元秀以聞

八月壬子揚州後池二蓮合華刺史始興王濬以獻

九月戊申廣陵肥如石梁澗中出石鏡元口大小行次引列南
向南兖州刺史臨川王義慶以獻

十月白虎見弋陽期思二縣南豫州刺史武陵王駿以聞

二十年四月辛卯白龜見吳興餘杭揚州刺史始興王濬以聞
五月丁丑白雀二見京都材官吏黃公歡軍人丁田夫獲以獻
廬陵郡池芙蓉二花一蒂太守王淵以聞

白燕集南平郡府內史臧綽以聞

六月壬寅華林天淵池芙蓉二花一蒂園丞陳襲祖以聞

是月白雉見高平方興縣徐州刺史臧質以獻嘉禾一莖九穗
生上庸新安梁州刺史劉道以獻

七月吳興郡後池芙蓉二花一蒂太守孔山士以聞彭城劉原

又獲白鳥以獻盱眙考城縣柝梅二株連理南兖州刺史臨川
王義慶以聞

八月揚州後池芙蓉二花一蒂刺史始興王濬以獻白鹿見譙
郡蘄縣太守 琬以獻白麋見江夏安陸內史劉思考以獻

是月木連理生汝陰豫州刺史劉遵考以聞

是年夏永嘉郡後池芙蓉二花一蒂太守臧藝以聞秣陵衛倚
之獲白雀丹陽尹徐湛之以獻

二十一年三月白兔見東萊當利青州刺史杜冀以聞

四月甘露頻降樂遊苑甘露降義陽平陽太守龐秀之以聞
甘露降彭城綏輿里徐州刺史臧質以聞

六月丙午華林園天淵池二蓮同結 兖陳襲祖以聞

十月乙丑永嘉永寧見黃龍自雲而下太守臧藝以聞

十二月新陽獲古鼎於水側有篆書四十二字雍州刺史蕭思話以聞
是年甘露降益州府內梨李樹刺史庾俊之以聞木連理生晉陵無錫南徐州刺史南醮王義宣以聞

湘州刺史南平王鑠馱赤鷓鴣木連理生歷陽烏江南豫州刺史武陵王譚以聞白燕見廣陵南兖州刺史廣陵王誕以獻
是年嘉禾生新野鄧縣雍州刺史蕭思話以獻
二十二年三月白鹿見建康縣揚州刺史始興王濬以聞又白鹿見南康贛縣南康相劉興祖以獻

四月丙子白雀見東安郡徐州刺史臧質以獻

是月樂遊苑池二蓮同榦苑丞梅道念以獻

閏五月丙午白雀見華林園負外散騎侍郎長沙王瑾獲以獻

六月庚子南彭城蕃縣時佛獲白雀以獻

是月嘉禾生藉田一莖九穗

七月癸酉嘉禾生平虜陵徐州刺史臧質以獻辛巳南頓櫟連理豫州刺史趙伯符以聞

是月東宮玄圃園池二蓮同榦內監殿守舍人官勇民以聞

九月木連理生建康令張永以聞嘉禾生揚州東田刺史始興

王濬以聞嘉禾生太尉府田太尉江陵王義恭以聞

十一月辛巳甘露降南郡江陵方城里荊州刺史南醮王義宣以聞

十二月丁酉甘露降長陵寧陵令句誕以聞是年木連理生武昌江州刺史盧陵王詔以聞白雀見新野鄧縣雍州刺史蕭思話以聞豫章寧縣出銅鍾江州刺史廣陵王詔以獻嘉禾生華林園百六十穗園丞陳襲祖以聞嘉禾生潁川陽曲豫州刺史趙伯符以聞

二十三年二月戊戌白鹿見兗州刺史檀和之以獻丁未甘露降樂遊苑苑丞張寶以聞

辛亥木連理生南陰柔縣太守以聞

五月甲寅東宮隊白從陳超獲獲黑麋於肥如縣皇太子以獻六月辛丑太子西池二蓮同榦池統胡永祖以聞壬寅華林天淵池芙蓉二花一蒂園丞陳襲祖以聞丙辰白鹿見彭城縣征

北將軍衡陽王義季獲以獻

七月乙丑嘉禾生藉田藉田令褚熙伯以聞

庚午嘉禾生丹陽椒唐里揚州刺史始興王濬以聞

庚辰嘉禾生醴湖屯屯主王世宗以聞

八月乙酉嘉禾生華林園園丞陳襲祖以聞魚色三周池二蓮

同榦園丞徐道興以聞

九月庚辰嘉禾生沛郡蕭縣征北大將軍衡陽王義季以聞

丙子甘露降長寧陵陵令華林以聞

十月辛巳東宮將魏榮獲青麋於秣陵

十二月庚子甘露降襄陽郡治雍州刺史武陵王駿以聞

辛丑甘露降樂遊苑苑丞何道令以聞

是年吳郡嘉興鹽官縣野稻自生三十許種揚州刺史始興王
濬以聞是年醴湖屯生嘉禾一莖九穗屯主王世宗以聞木連
理生淮南當塗揚州刺史始興王濬以聞嘉禾生江夏汝南荆
州刺史南醮王義宣以聞
二十四年三月壬午臨川王第梨樹連理臨川王燁以聞
戊戌河濟俱清龍驤將軍青冀二州刺史杜坦以聞
己亥庚子甘露頻降景陽山山監張績以聞又是月己亥三月
丙辰甘露降尋陽松滋江州刺史廬陵王紹以聞
四月癸未甘露降尋陽滋松丙申又降江州城內桐樹丁酉又
降近城數里之中江州刺史廬陵王紹以聞白雀產吳郡鹽官
民家太守劉禎以獻

五月辛未白鸞集司徒府西園太尉江夏王義恭以聞

六月己亥白雀五集長沙廟長沙王瑾以聞

七月己酉白兔見東莞太守趙球以獻壬子晉陵無錫穀櫟樹

連理南徐州刺史廣陵王誕以聞乙卯木連理生會稽諸暨揚
州刺史始興王濬以聞又會稽太守羊玄保上改連理所生處

康亭村為木連理臨川王第梨樹連理臨川王燁以聞甘露降

京師揚州刺史始興王濬以聞丁巳白兔見兖州刺史徐瓊以
聞丁卯禾稼生華林園及景陽山園丞梅道念以聞

是月甘露降襄城治下無量寺雍州刺史武陵王駿以聞

八月乙巳嘉禾生魚城內白鳥見晉陵南徐州刺史廣陵王誕
以聞

九月白鳩見

十月甲午甘露降魏興郡內太守韋寧民以聞揚州刺史始興王濬獲白龜以獻

二十五年二月乙丑白麋見淮南太守王休獲以獻乙亥白虎見武昌武昌太守蔡興宗以聞

四月戊午白麋見南琅琊太守王遠獲以獻戊辰木連理生晉陵南徐州刺史廣陵王誕以聞

五月辛未朔華林園白麋生二子皆白園丞梅道念以聞丁丑黑龍見玄武湖北苑丞王世宗以聞戊戌黑龍見玄武湖東北隈陽州野吏張立之以聞

六月壬寅嘉禾旅生華林園十株七百穗園丞梅道念以聞壬子嘉禾生藉田藉田令褚熙以聞

七月壬辰嘉禾生北海青冀二州刺史王坦以聞

八月丙午嘉禾生大尉江夏王義恭果園江夏國典書令陳穎以聞辛亥黃龍見會稽太守孟穎以聞又廣陵有龍自湖水升天百姓皆見壬子嘉禾生建康化義里令立珍孫以獻又白燕見廣陵城南兗州刺史徐湛之以聞癸丑嘉禾生華林園園丞梅道念以聞

十一月丁丑白虎見蜀郡二赤虎道前益州刺史陸徽以聞庚辰甘露降南郡荊州刺史南醮王義宣以聞乙未甘露降丹陽秣陵崑山是月嘉禾生巴東荊州刺史南醮王義宣以聞

二十六年三月壬午甘露降景陽山平林園園丞梅道念以聞

戊寅白雉見東安沛郡各一徐克二州刺史武陵王駿獲以獻
庚寅癸巳甘露頻降武昌江州刺史廬陵王詔以聞

四月戊戌白虎見南琅邪半陽山二虎隨從太守王僧達以聞
甲辰丙午戊申甘露頻降豫章南昌太守劉思考以聞

五月癸酉白鵲見建康崇孝里揚州刺史始興王濬以獻戊寅
白燕產衡陽王墓亭郎中令朱曠之獲以聞丙戌白麋見馬頭

豫州刺史南平王鑠以聞

六月甲寅嘉禾生藉田藉田令褚熙伯以獻

七月嘉禾生巴東朐腮荆州刺史南醮王義宣以獻

二十七年正月乙丑白麋見濟陰徐州刺史武陵王駿以聞

三月壬辰白兔見竟陵荆州刺史南醮王義宣以獻又白兔見

濟陰徐州刺史武陵王駿以聞

四月癸丑華林園白麋生一白子園丞梅道念以聞

乙卯丙辰丁巳甘露頻降豫章南昌戊午午時天氣清明有綵

雲映覆郡邑甘露又自雲降太守劉思考以聞

五月甲戌甘露降南東海丹徒南徐州刺史始興王濬以聞

六月壬辰白燕見秣陵丹陽月徐甚之以獻丙午白兔見南汝

陰豫州刺史南平王鑠以獻乙卯白雀見濟南郡薛崇以獻

十月乙丑嘉禾生北海青州刺史杜坦以聞

二十八年正月戊子木連理生尋陽柴桑又生州城內江州刺

史建平王宏以聞

二月戊辰甘露降鍾山延賢寺揚州刺史廬陵王詔以聞壬午

甘露降徽音殿前果樹

是月甘露降合殿後香花諸草

七月戊戌嘉禾生廣陵郡伯埭兗州刺史江夏王義恭以聞癸卯尋陽柴桑菽粟旅生彌漫原野江州刺史建平王宏以聞

八月己巳崇義里軍人獲白雀一隻太子左率王錫以獻

二十九年四月癸丑白雀見會稽山陰太守東海王禕獲以聞

六月壬戌白麋見晉陽豎陽南徐州刺史始興王濬以聞

八月癸酉白鹿見鄱南中郎將義陵王以獻

十月丁未木連理生南琅邪太守劉咸以聞

三十年十一月壬午白鹿見琅邪太守王僧虔以獻十二月癸

亥白鹿見武建邵雍州刺史朱循之以聞

孝武帝孝建元年三月丙辰甘露降華林園五月己亥臨沂縣

魯向期於城上獲赤雀大傳假黃鉞江夏王義恭以獻

二年正月庚戌白兔見淮南太守申坦以聞

三月己酉甘露降丹陽株陵中里路與之墓樹又連理生南郡

江陵荊州刺史朱循之以聞辛亥甘露降長寧陵松樹戊午甘露

降丹陽株陵尚書謝莊園竹林莊以聞

是月甘露降襄陽民家梨樹

六子丙子在衛軍獲白雀以獻庚寅玄武湖二蓮同幹癸巳嘉

禾二株生江夏王義恭東田

七月癸丑黃龍見石頭城水濱中護軍湘東王以聞

是月木連理生歷陽太守袁敷以聞

九月己丑湖嘉禾異畝同穎生齊郡廣饒縣

三年二月乙丑白兔見原州獲以獻

三月庚子白鹿見臨川西豐縣壬子白鹿見臨川西豐縣

閏三月辛酉黃門侍郎庾徽之家獲白雀以獻

四月丁亥臨川宜黃縣民田中得銅鍾七口內史傅徵以獻甲

辰晉陵延陵得古鍾六口徐州刺史竟陵王誕以獻

五月己未麟見臨川郡江州刺史東海王以聞丁卯白雀見建

康獲以獻木連理生北海郡昌冀州刺史坦護之以聞

六月癸巳白麋見廣陵南充州以獻

七月庚午嘉禾生吳興武康

九月甲戌細仗隊省井泉春夏深不盈尺忽至一丈有五色水

清澄醴味汲引不窮

是月涇河清冀州刺史坦護之以聞

大明元年正月乙亥木連理生高平

二月己亥白鹿見會稽諸暨縣獲以獻壬寅華林園雙橘樹連

理四月甲申白鹿見南正白雉見南郡江陵癸卯甘露降華林

園桐樹戊申白雀見尋陽

五月壬子紫氣從景陽樓上層出狀如烟迴薄良久甲寅白雀

二見勃江獲以獻戊午嘉禾一株五莖生清暑殿鴉尾中癸亥

黑龍見晉陵古石村改村為津里甲子白雀見建康獲以獻丁

丑蒼鳥見襄陽縣戊寅江乘縣民朱伯地中得玉璧徑五寸八

分以獻

六月丁亥白雀見零陵祁陽獲以獻庚子白兔見即墨獲以獻
七月辛亥白雀見南陽苑獲以獻丁丑白麋見東萊曲城縣獲
以獻八月嘉禾生青州吳根同穗

九月乙丑華林園梨樹連理

十月乙丑朔木連理生豫章南昌

二年正月壬戌白麋見山陽內史程天祚以聞

二月辛丑白麋見濟北太守殷孝思以獻

三月壬子北汝陰樓煩平地出醴泉豫州刺史宗慤以聞己巳

白雉雌雄各一見海陵南兖州刺史竟陵王誕以獻

四月甲申蒼鳥見襄陽雍州刺史王玄謨以獻己丑白鹿見桂

陽柳陽湘州刺史山陽王休祐以獻辛丑木連理生汝南豫州

刺史宗慤以聞

五月乙巳白燕產南郡江陵民家荊州刺史朱循之以獻丁未

白雀見建康揚州刺史西陽王子尚以獻甲子白燕二產山陽

縣舍南兖州刺史竟陵王誕以獻

六月甲戌白燕產吳郡城內太守王翼之以獻丁亥白雀見河

東定襄縣荊州刺史朱循之以聞

二年正月癸巳白鹿見南琅邪江乘南徐州刺史劉延孫以獻

丙申婆皇國獻赤白鷺各一

三月乙卯甘露降樂遊苑梅樹戊子甘露降宣城郡舍太守張

辯以聞戊子毛龜見宣城廣德太守張辯以獻辛卯白鹿見廣

陵新市太守柳光宗以聞四月庚戌白雀見株陵丹陽戶劉秀

之以獻

五月壬午大宰府崇藝軍人獲白雀大宰江夏王義恭以獻甲
申白燕產武陵臨沅民家郢州刺史孔靈符以聞
九月乙亥嘉禾生北海昌樂縣青州刺史顏師伯以聞甲午木
連理生丹陽株陵官將軍范稅以聞
四年正月壬辰甘露降初寧陵松樹

二月丙申甘露降丹陽株陵龍山丹陽戶孔靈符以聞乙巳徐
州刺史劉道隆於升水得白玉戟以獻

三月丁亥木連理生華林園曜靈殿北

四月壬子木連理生華林園白觀臺北

五月辛丑白雀見廣陵侍中顏師伯以聞

六月戊戌木連理生會稽山陰陽州刺史西陽王子尚以聞壬

寅車駕幸籍田白龜見於千畝尚書左僕射劉秀之以獻

白燕見平昌青州刺史劉道隆以獻

五年正月丙子交州刺史垣闕獻白孔雀

四月庚戌白雀見晉陵大守王文叔以獻辛丑甘露降吳興安

吉大守歷陽王子頊以聞乙卯甘露降吳興烏程大守歷陽王

子頊以聞

五月丙寅白鹿見南東海丹徒南徐州刺史劉延孫以獻癸未

白雀二見尋陽江州刺史桂陽王休範以獻癸未白雀二見濟

南青州刺史劉道隆以獻嘉禾生建康蔣陵里丹陽戶王僧郎

以獻

九月庚戌河涇俱清平原大守申纂以聞己巳白麋見南陽雍州刺史永嘉王子仁以獻

閏九月木連理生邊城豫州刺史坦護之以聞
十二月戊寅淮南松木連理豫州刺史桑陽王子房以聞白雉見叅郡南兖州刺史晋安王子勛以獻

是年籍田芙蓉二花同蒂大司農蕭邃以獻

六年二月戊午甘露降建康靈禪寺及諸苑園及株陵龍山至于婁湖是月又降句容江陵二縣乙丑木連理生晋陵南徐州刺史新安王子鸞以聞

三月丙午青雀見華林園

四月戊辰木連理生營陽湘州刺史建安王休仁以聞又白麋

見休仁以獻

六月乙丑白兔見青冀二州刺史劉道隆以獻

八月乙丑木連理生彭城徐州刺史王玄謨以聞辛丑嘉禾生

樂陵青冀二州刺史劉道隆以聞辛丑白雀見齊郡道隆以獻

是月白兔見北海

七年正月庚寅白麋見南陽荊州刺史臨海王子頊以獻己酉

珊瑚連理生壽林始安大守劉劭以聞

三月辛巳白鶴見汝南安陽大守申令孫以獻丙申甘露降尋

陽滋松大守劉滕以聞

四月乙未白雀見廬陵王第廬陵王敬先以獻己未甘露降荊州城內刺史臨海王子頊以聞乙丑白雀見歷陽太守建平王

景素以献

五月辛丑白雀見汝南豫州刺史垣護之以献
六月己未白麋見武陵臨沅太守劉衍以献

是月白雀見寶城南豫州刺史尋陽王子房以献是月江夏蒲圻獲銅路鼓四面獨足郢州刺史安陸王子綏以聞

八月乙未毛龜見新安王子鸞第獲以献

九月癸未白麋見南陽雍州刺史劉秀之以献

十月丁卯白雀見建康戶永嘉王子仁以献

十一月車駕幸南豫州習水軍於梁山有白雀二集華蓋有司奏改大明七年為神爵元年詔不許

十二月辛丑甘露降吳興烏程令苟卞之以聞

八年六月甲子白鹿見衡陽郡湘州刺史江夏王世子伯禽以献

八月丁卯白雉見南郡江陵荊州刺史臨海王子頊以献

前廢帝永光元年正月丙午白雉見勃海青州刺史王玄謨以献

三月甲午朔白雉見新蔡豫州刺史劉德願以献

四月乙亥白雀見會稽東揚州刺史尋陽王子房以献

六月丙子白雀見彭城徐州刺史義陽王昶以聞

新刊監本冊府元龜卷之二百一

安王休仁以獻乙亥其露降丹陽株陵縣舍齋前竹丹陽月王
景文以獻
六月丁巳白鳥見吳郡海鹽太守顧覲之以獻己卯日入後有
黃白赤白氣東西竟天光明澤久乃消是月白燕見靈陵獲以
獻

七月戊子白雀見虎檻洲都督征討諸軍建安王休仁以聞己
酉嘉禾生會稽永興太守巴陵王休若以聞

八月丙辰朔四眼龜見會稽會稽太守巴陵王休若以獻五城
澳池二蓮同榦都水使者羅僧愍以獻戊午嘉禾生南豫州刺
史山陽王休佐以獻己未豫州刺史山陽王休佐獻蓮二扶一
蒂丙寅六眼龜見東陽長山文如爻卦太守劉勰以獻

是月於赭圻城南得紫玉一段圍三尺二寸長一尺太守攻為
二爵以獻武文二廟

九月庚寅青雀見京城內南徐州刺史桂陽王休範以獻壬寅
白鳥見吳興烏城太守都顥以獻

十月己巳幸華林天淵池白魚躍入御舟

三年二月壬寅白鼠見樂安青州刺史沈文秀以獻

五月癸酉白麋見南東海丹徒南徐州刺史桂陽王休範以獻
乙亥白鵠鶴見京兆雍州刺史巴陵王休若以獻乙卯白麋見
北海都昌青州刺史沈文秀以獻

十一月乙卯盱眙獲石栢寧朔將軍段佛榮以獻辛酉其露降
晉陽太守王蘊以聞癸亥其露降南東海丹徒建周南徐州刺

史桂陽王休範以聞

十二月壬午井露降崇寧陵揚州刺史建安王休仁以聞

四年十一月辛未崇寧陵上書言自大明八年至今四年二月
宣太后陵明堂前後有明及五色雲又芳香四滿又五彩雲在
松下狀如車蓋

五年正月癸卯白麋見汝陰樓煩豫州刺史劉劭以獻

五月壬戌豫章南昌獲古銅鼎容斛七斗江州刺史王景文以
獻

六月甲子嘉蓮生湖孰南臺侍御史竺魯度以聞

十月庚辰郢州獲玄壁廣八寸五分安西將軍蔡興宗以獻

六年六月壬子嘉蓮生東宮

七月壬午白雀二見廬陵吉陽內史江攸以聞

九月己巳八眼龜見吳興故鄣太守褚淵以獻

十二月乙未白鹿見梁州刺史杜幼文以聞

十年四月戊申夜京邑崇虛館堂前有黃氣狀如寶蓋高十許
丈漸有五色道士凌脩靜以聞

六月甲寅義陽郡獲銅鼎受一斛並隱起鏤豫州刺史段佛榮
以獻

秦豫元年四月乙酉會稽山陰思義醴泉出太守蔡興宗以聞
六年辛丑白雀見廣州刺史孫超以聞

十月壬戌白麋見義興國山太守王蘊以獻義興陽羨縣獲毛
龜太守王蘊以獻

後廢帝元徽元年正月甲午白麋見海陵海寧太守孫嗣之以
獻

二年三月甲子白鹿見鬱州青冀二州刺史西海太守劉善明
以獻

四年三月醴泉出昌國白鹿山其味甚甘

十一月乙巳甘露降吳興烏程太守蕭惠明以聞

五年四月己巳白雀二見尋陽柴桑江州刺史邵陵王友以獻
順帝昇明二年十一月甘露降南東海武進彭山太守謝頔以
聞又甘露降長城下山太守王奐以聞

十二月甘露降建康禁中里

是年宣城山中生紫芝一株在所獲以獻

三年三月白虎見歷陽龍亢縣新昌村新昌嘉名也瑞應圖王
者不暴白虎出白虎仁獸也

是年騶虞見東安縣五界山師子頭虎身龍脚詩傳云騶虞獸
名白虎黑文不食生物至德則出

高齊太祖建元元年正月拜皇太子日有慶雲在日邊又新郡
固始縣嘉禾一莖五穗

四月有司奏延陵令戴景度稱所領季子廟舊有湧井二所廟
祝列云舊井北忽聞金石聲即掘深三尺得湧泉其東忽有聲
錚錚又掘得泉沸湧若浪中得一銀木簡長一尺廣二寸隱起
文曰廬山道人張陵再拜謁請起居簡木堅明白而字色黃謹
案瑞應圖浪井不鑿自成王者清靜則仙人主之孔氏世錄云

叶精帝道孔書明巧當在張陵宋均注云張陵佐封禪一云陵
仙人也

五月白鳥見巴郡又木連理生安成新喻縣又生南梁陳縣郢
州丁坡屯獲白雀一頭

閏月瓊明殿外閣南槐樹連理

八月新蔡縣獲嘉禾二莖九穗一莖七穗益官縣內樂村木連
理又男子王約獲白雀一頭

九月井露降槐南郡桃石榴二株有司又奏井露降汲縣王安
世園樹株陵縣獲白雀一頭

十月涪陵郡蠶民田健所住崑間常留雲氣有聲響徹若龍吟
求之積歲莫有見者去四月二十七日崑數里夜忽有雙光至

明往獲古鐘一枚又有一罍名淳于蠶人以為神物奉祠之

十一月固始縣獲嘉禾一莖九穗

是月臣欽若等曰郢州監利縣天井湖水色忽澄清出錦百姓

採以為績

武帝永明二年正月冠軍將軍周晉孫於石頭北廟將堂見地
有異光照城堞往獲玉璽一鈕方七分文曰明玄君

四月白雀集郢州府館又井露降南郡桐樹

五月白雀見會稽永興縣

七月新治縣槐栗二木合生異根連理去地數尺中央小開上
復為一尺烏程縣陳交則家槿樹連理

九月有司奏上虞縣楓樹連理两根相去九尺雙株均聳去地

九尺合成一榦故鄆縣楓樹連理兩株相去七尺丈八圍去地一丈仍相合為樹泯如一木山陽縣界若耶村有一槻木合為連理淮陰縣建業寺木連理建康縣梨樹擢榦五圍連理六枝十一月魏國民齊祥歸入靈立閔閔殷然有聲仰視之見山側有紫氣如雲衆馬回翔其間祥往氣所獲壘方寸四分獸鈕文曰坤維聖帝永昌送與魏太后師道人慧度欲獻魏主慧度覩其文窺謂當今衣冠正朔在于齊國遂附道人慧藏送京師因羽林監崔士亮獻之

是年江陵縣獲白鼠一頭又休安陵獲玄龜一頭又彭澤縣獲白雉一頭又順陽丹光縣山下得古鼎一枚又護軍府門外桑樹一株並有蠶絲繫被枚莖漢光武時有野蠶成繭百姓得以衣服今則浮波幕樹其亦此之類乎又越州南高涼住人海中網魚獲銅獸一頭銘曰作寶鼎齊臣萬年子孫承寶又彭澤縣獲白雉一頭

三年正月安城縣榆樹二株連理

四月白雀見臨汝縣

七月安城王高第獲白雀一頭又始興郡民龔玄宣去年二月忽有一道人乞中食因探懷中出篆書真經一卷六紙又表代極一紙又移付羅漢居上一紙云從兜率天宮下使送上天子因失道人所所在玄宣又稱神人授皇帝璽龜形長五尺廣二寸厚二寸五分上有天子字中央蕭字下萬世字

八月梁郡睢陽界野田中獲嘉禾一莖二十三穗

九月南郡江陵縣獲白雀一頭又句陽縣之穀山槿樹連理異根雙槎共杪為一

十一月永寧左郡湍水連理是年華林園醴泉堂東忽有瑞雲周圍十許丈高下與景雲樓平五色藻窈光彩映山徘徊良久轉南行過長畝入華池大鳥集東陽郡太守沈約表云鳥身備五彩赤色居多案樂園叶圖徵去焦明鳥質赤至則德之感也四年二月甘露降臨湘縣李樹三月甘露降南郡桐樹三足鳥巢南安中陶縣庭中又株陵縣喬天明園中李樹連理生高三尺五寸兩枝別生復高三尺合為一榦又白虎見安蠻虎化縣四月甘露降睢陽縣桃樹是年丹陽縣獲白兔一頭東昌縣山自此歲以來常發異響去二月十五日有一巖禡落縣民方元

泰往視於巖下得古鍾一枚青龍見順陽清郡水縣平泉湖

五年正月株陵縣華僧秀園中四樹連理

三月豫寧縣長崗山獲神鍾一枚

四月甘露降荊州府中閣外相樹

六月建城縣昌城田獲四目龜一頭腹下有萬齊字

八月延陵縣王惠獲六目龜一頭腹下有萬歡字并有卦兆

九月莒縣獲嘉禾一株是年山陰縣孔廣家園種樹十二層會

稽太守隋王子隆畝之種芳林苑鳳光殿西武騎常侍唐偕上

青毛神龜一頭望蔡縣獲白鹿一頭南豫州刺史建安王子真

表畝金色魚一頭又望蔡縣獲白鹿一頭

六年四月江寧縣北界賴鄉齊平里三城邏門外路東太常蕭

惠基園援樹二株連理其高相去二尺南大北小小者傾柯南
附合為一枝葉繁茂園畧如蓋

是年白鼠見芳林園蒲濤縣亮野村獲白麋一頭其處降芳林
園故山堂桐樹

七年六月益官縣獲白雀一頭是年黃龍見曲江縣黃池中一
宿二日越州獻白珠自然作思惟佛像長三寸上越禪靈寺置
刹下江寧縣李樹二株連兩根相去一丈五尺鬱林獲白雉一
頭荊州獲白麋一頭又吳郡太守江歎於錢塘縣獲蒼玉壁一
枚以獻又齊興太守劉元寶治郡城於塹中獲錢數萬百形極
大以獻臺為瑞世祖班賜朝臣以下各有差又主書朱靈讓於
浙江得靈石十人舉乃起在水深三尺而浮世祖親投于天淵

池試之刻為佛像鬱林獲白雀一頭荊州獲白麋一頭

八年三月武陵白沙戍槻木連理相去五尺俱高三尺東西二
枝合而通柯

四月陽羨縣獲白鳥一頭

五月陽城縣獲紫芝一株

十二月紫桑縣陶委天家樹連理

是年餘干縣獲白麋一頭天門澧臨縣獲白雀一頭巴陵郡連
理四株又天忽黃色照地衆莫能解司徒法曹王融上金天頌
曰是非金天所謂榮光武帝大悅始興郡昌樂村獲白鳩一頭
又餘干縣獲白麋一頭

九年五月長山縣獲神龜一頭腹有巽兌卦

七月吳郡錢塘縣獲白雀一頭
八月豫州獲白雀一頭
甘露降定林寺堂庭中天如雨遍地如雪其氣芳其味甘耀日儼風至晴乃止爾後頻降鍾山松樹四十餘日乃止
十月甘露降大安陵樹

十一月寧蜀廣漢縣田所墾地八尺四寸獲古鍾一枚形高三尺八寸圍四尺七寸懸柄長一尺二寸合高五尺四面各九孔夜中於陶所瓦間見有白光窺尋無物自後夜夜輒復有光既經旬日村民張慶宣瓦作屋又於屋間見光照內外慶宣疑之以告休光乃共發視獲玉璽一鈕壁方八寸上有臯文曰帝真又曲阿縣民黃慶宅左有園園東南廣袤四丈每種菜輒鮮異

雖加採掇隨復更生夜中長有白光皎質屬天狀似懸絹慶疑非常請師卜侯道士傳得古使掘之深三尺獲玉印一鈕文曰長承萬年是年臨湘縣獲白鹿一頭義陽安昌縣獲白麋一頭株陵縣闔場里安明寺有古樹衆僧改架屋宇伐以為薪剖樹木裏自然有法大德三字始興郡本無黨樹調味有闕世祖在郡堂屋後忽生一株臨湘縣獲白鹿一頭義陽安昌縣獲白麋一頭

十年五月齊郡獲白雀一頭

六月海陵齊昌縣獲嘉禾一莖六穗

是年青州獲白雉一頭司州青澁戎獲白麋一頭蘭陵民齊伯生於六合山獲金璽一鈕文曰羊予主青州拒液戎獲白雉一

頭司州清激戌獲白雉一頭
十一年九月睢陽縣田中獲木一株

是年廣陵海陵縣獲白麋一頭
鬱林王隆昌元年正月襄陽縣獲紫芝一莖

四月陽羨縣獲白
鳥一頭

和帝中興二年正月遷將潘道蓋於山右穴中獲毛龜一頭

三月白虎見東平壽張安樂村

三月甘露降茅山彌漫數里

是年山上雲障四塞頃有玄黃五色如龍形長十餘丈從西北

昇天

梁高祖天監元年七月癸卯鳶鳥見樂游苑

四年四月自甲寅至壬戌甘露連降華林園

五月建康縣朔陰里生嘉禾一莖十二穗

八月庚子老人星見

五年四月丙申廬陵高昌之仁山獲銅鈕二始豐縣獲八目龜

一

八月戊戌老人星見

六年二月甲辰老人星見

六月新吳縣獲四目龜一

九月嘉禾一莖九穗生江陵縣

七年四月辛未株縣獲靈龜

八月甲戌老人星見

十一月辛巳新縣言甘露降

八年二月壬戌老人星見

八月戊午老人星見

九年七月己巳老人星見

十年二月戊申騶虞一見荊州華容縣五月癸酉安豐縣獲一

角玄龜乙酉嘉蓮一莖三花生樂遊苑

十二月癸酉山車見于臨城縣

十一年二月新昌濟陽二郡野蠶成繭

十三年二月丁亥老人星見

十四年二月戊戌老人星見

八月乙未老人星見

十五年八月老人星見

十六年二月庚戌老人星見

四月湖溝獲白雀

八月辛丑老人星見

十七年二月甲申老人星見

八月壬寅老人星見

十八年二月戊午老人星見

七月甲申老人星見

普通元年二月壬子老人星見

八月庚戌老人星見

二年七月甲寅老人星見

三年八月甲子老人星見

四年二月庚午老人星見

八月丁卯老人星見

五年二月丁丑老人星見

六年二月丁丑老人星見

八月壬午老人星見

七年二月丁亥老人星見

大通元年八月壬辰老人星見

二年二月甲子老人星見

中大通二年正月癸未老人星見

三年二月甲寅老人星見

八月癸巳老人星見

是歲吳興縣生野穀堪食

四年二月壬寅老人星見丙辰邵陵縣獲白鹿一

五年正月辛卯輿駕親祠南郊先是日景夜南郊令解滌之

等到郊所履行忽聞空中有異香三隨風至及將行事奏樂迎

神畢有神光圓滿壇上朱紫白黃雜色食頃方滅無太宰武陵

紀等聞

二月己丑老人星見

八月庚申老人星見

大同元年三月乙卯老人星見

七月乙卯老人星見

二年二月丙戌老人星見

三年二月乙酉老人星見

八月甲申老人星見

六年二月秦郡獻白麋一

六年丁未平陽縣獻白鹿一

九月始平太守崔頌表獻嘉禾一莖十二穗

敬帝紹泰元年冬至二年三月甘露降于鍾山梅崗南澗及

京口江寧縣境或至三數升大如奕碁子陳高祖表以獻臺

二年二月前遠寧石城公外兵參軍王位於石頭沙際獲玉璽

四陳高祖表以送臺

陳高祖永定元年十一月甘露降於鍾山松林彌滿巖谷庚子

開善寺沙門採之以獻勅頒賜群臣

三年四月重雲殿東鸛尾有紫煙屬天

文帝天嘉元年正月辛未輿駕親祠北郊日有冠

廢帝光大元年五月丙辰太傅安成王獻玉璽之

宣帝大建元年閏四月乙卯儀同黃法氈獻瑞璧一

四年八月丁丑景雲見

十二月壬寅甘露降樂遊苑

五年五月癸丑景雲見

七年四月壬子郢州獻瑞鍾六

閏九月壬辰甘露降樂遊苑

十二月甲子南康縣獻瑞鍾

八年正月庚辰西南有紫雲見

東魏孝靜天平二年二月負外散騎常侍穆禮得玉板一廣三寸長尺五寸頭有兩孔以獻

四月臨水縣木連理

五月北豫州獻白雀

七月齊獻武王獲白鳥以獻魏郡木連理

八月光州獻白兔

三年正月青州獻白雉

五月司州上言清河郡木連理

七月魏郡獻嘉禾京師獲白雀

四年二月青州獻白雉

四月西兗州獻白狐

六年廣平郡上言木連理

七月兗州獻白雀光州獻白兔又獻九尾狐

八月并州上言木連理又獻嘉禾京師又獲嘉禾虞曹郎中司

馬仲樂又獻嘉禾一莖五穗

十二月梁州獻白雉

元象元年正月有巨象自至碭郡坡中南兗州獲送于鄴大赦

改元

二月洛州上言木連理

四月光州獻九尾狐

五月冀州獲白鳥林慮縣上言木連理言師獲白雉徐州獲白

六月京師獲白雀齊獻武王獲白兔以獻

濮陽郡獲白兔齊獻武王獲白鹿以獻

七月肆州獻白雀是月齊獻武王獲白雀以獻

八月東雍州獻嘉禾上黨郡言木連理西中府獻白燕

興和元年正月魏郡繁陽縣獻白雉

二月光州獻九尾狐

三月甘露降于京師

四月京師獲三足鳥

五月京師獲白雀

六月齊文襄王獲白雀以獻南兗州獲白雀

七月京師獲白雀

八月徐州表濟陰郡廳事前槐樹鳥巢於上鳥母死有鵲啣食

哺鳥兒不失其時並皆長大賞大守帛十疋

九月有司奏西山採材司馬張神和上言司空谷木連理

二年四月光州上言盧鄉縣木連理京師獲白雀徐州獲白兔

閏四月京師獲白雀

五月京師獲白雀又獲白燕

六月京師獲白兔光州獲白雀

七月京師獲白雀

三年二月東郡白馬縣民獻玉印一

五月司州獻九尾狐京師獲白雀

冊府元龜
八月南東州獻嘉禾

十二月魏郡獻白狐

四年正月京師獲白雀光州獲白狐

四年魏郡貴鄉縣獲白鳥鵲瀛州獻白狐二

五月京師獲白鳥陽夏郡獻白鳥濟州獻蒼烏

六月京師獲白雀

七月瀛州獻蒼烏鄴縣民獻白玉一璞北豫州獻白鳥京師獲白雀

十月瀛州獻白鳥

武定元年正月廣宗郡獻白雉兗州獻白雉

三月瀛州獻白兔青州獻白雉

四月兗州獻蒼烏

五月梁州獲白雀濟州獻蒼烏

六月兗州獻白鹿京師獲白雀東郡民獻白鳥

七月京師獲白雀幽州獲白狐以獻

八月西兗州上言濟郡木連理

九月齊獻武王上言并州木連理汲郡獻白兔

十月兗州獻雀

二年五月京師獲蒼烏

七月林盧縣獻白鵲

八月京師獲嘉禾

三年五月瀛州獻三足鳥北豫州獻白鳥廣宗郡獻白鳥潁州

冊府元龜
獻白鳥梁州獻白雀

六月京師獲蒼烏滄州獻白鳥京師又獲白雀北豫州獻白燕

七月瀛州獻白狐二牡一牝一光州獻蒼烏京師獲白雀

八月并州獻嘉禾

九月西兗州獻白狐瀛州上言河間郡木連理

十月有司奏南兗州陳留郡民賈興達於家庭得毛龜一兗州

獻白雀

四年三月青州獻白雉

四月獻白鳥青州獻三足鳥

五月濟州獻白鳥潁州又獻三足鳥

六月京師獲白雀

八月夏陽郡獻白鳥

五年十月并露降齊文襄王第門柳樹

十一月汾州上言木連理

六年三月并露降於京師

四月大山郡上言并露降

五月晉州上言木連理

六月京師獲白雀

十一月武平鎮獻白兔

七年七月瀛州獻白麋

八年四月青州上言齊郡木連理

北齊文宣帝以東魏武定八年五月受禪是月京師獲赤雀獻

於南郊又光州獻九尾狐武成帝河清元年四月青州刺史上言今月庚寅河濟清改大寧二年為河清

梁太祖開平元年正月壬寅帝至自長蘆是日有五色雲覆于府署之上又丙辰慶雲見丁巳宋州刺史王臯進赤鳥一

四月乙丑潁州刺史張實進白兔一戊辰宋州刺史王臯進兩岐麥陳州素象先進白兔一傳史館編錄無示百官

五月丙戌荊州高季昌進瑞橘七十顆是月宿州刺史王儒進白兔濮州刺史圖嘉禾瑞麥以進

八月甲子平明前老人星見於南極壬申密州進嘉禾又有合歡榆樹並圖形以獻是月隰州奏大寧縣至固鎮上下二百里今月八日黃河清至十月如故

十一月廣南管內獲白鹿並圖形來見耳有兩缺按符瑞圖鹿壽千歲變白耳一缺今驗此鹿耳有二缺且獸與色皆應金行實表嘉瑞

二年四月鄆陵居人程震以兩岐麥穗并畫圖來進

八月甲寅大史奏壽星見於南方甲子廣州上言白龍見形圖以進

三年八月司天臺奏今月二十七日平明前東南丙上去山高三尺以來老人星見測在并宿十一度其色光明潤大

十一月司天臺奏冬至日自夜半後祥風微扇帝坐澄明至曉黃雲捧日

四年四月丁卯宋州節度使衡玉友諒進瑞麥一莖三穗

八月辛未老人星見

乾化元年八月癸亥老人星見

新刊監本冊府元龜卷之二百二

新刊監本冊府元龜卷之二百三

閏位部

徵應

自古帝王之季豪傑並起雖雄視一方而靈徵不絕者蓋天意
諄諄贊明群衆之所嚮也若夫肇自載育玄感特異寤茲吉夢
神貺彌昭或應讖自許軌迹有闕或物色紛紛符節斯合豈獨
觀奇表命元龜而後知其享國保民也

蜀先生涿郡涿縣人少孤與母販履織席為業舍東南角籬上
有桑樹生高五丈餘遙望見童童如小車蓋往來者皆恠此樹
非凡或謂當出貴人先主少時與中宗諸小兒於樹下戲言吾
必當乘此羽葆蓋車叔父子敬謂曰汝勿妄滅吾門也又漢靈

帝時董扶為侍中私謂大常劉焉曰京師將亂益州分野有天
子氣焉信之遂求出為益州牧扶亦求為蜀郡屬國都尉其後
先主稱天子於蜀皆如扶言

吳大帝權母吳夫人初孕而夢月入其懷既而生策及權在孕
又夢月入其懷以告其夫堅曰昔妊策夢月入懷今也又夢日
入我懷何也堅曰日月者陰陽之精極貴之象吾子孫其興乎
初堅世仕吳家于富春葬於城東塚上數有光怪雲氣五色上
屬于天曼延數里衆皆往觀視父老相謂曰是非凡氣孫氏其
興矣及母懷妊堅夢腸出繞盈昌門寤而惧之以告鄰母鄰母
曰安知非吉徵也

廢帝亮母潘夫人既得幸有娠夢以有龍頭授已者已以敬膝
受之遂生亮

景帝休初封琅邪王居會稽夢乘龍上天顧不見尾覺而異之
及亮廢帝休立七年亮孫皓悉誅其子

宋高祖生夕甘露降于墓樹徵時代荻新州見大蛇長數丈射
之傷明日復至洲裏聞有杵臼之聲往覘之見童子數人皆青
衣於榛中搏藥問其故答曰我王為劉寄奴所射合散傳之

臣等曰寄奴帝之字也帝曰王神何不殺之答曰寄奴王者不死不可殺帝

叱之皆散及收藥而反之又遇一沙門于逆旅沙門言中原事
故因云江表尋當喪亂高祖曰當有拯之者不沙門曰能拯之
者其唯君乎其意甚至初帝先患手創積年未療沙門曰此瘡
難治先有良藥當以相與因出懷中黃散治瘡一傳而愈餘散

寶錄之被金瘡輒用有驗又嘗遊京口竹林寺獨卧講堂前上有五色龍章衆僧見之驚以白帝獨喜曰上人無妄言帝皇考墓在丹徒之候山其地秦史所謂曲阿丹徒間有天子氣者也時有孔恭者妙善占墓帝嘗與經墓問之曰此墓何如孔恭曰非常地也帝由是益自負行止時見一小龍附翼樵漁山澤同侶或亦覩焉及貴龍形更大帝東征孫恩至會稽過孔季恭宅季恭正晝臥有神衣服非常謂曰起天子在門既而失之遽出適見帝延入結交執手曰卿後當大顯貴願以身為託於是曲意禮接甚厚及將受晉禪大史令駱達陳天文符瑞數十條文帝初為荊州刺史廢帝景平有龍見西方半天騰上廕五彩雲京都遠近聚觀大史奏曰西方有天子氣帝入奉大統帝及議者皆疑不敢下鎮西長史王曇首與到彥之從兄革固勸帝猶未許曇首又固陳并言天人符應帝乃下率府州文武嚴兵自衛臺所遣百官衆力不得近部伍中兵叅軍朱容子抱刃在平乘戶外不解帶者累旬既下在道有黃龍出負上所乘舟左右皆失色帝謂曇首曰此乃夏禹所以受天命我何堪之

孝武帝初封武陵王為北中郎將以顏峻為府主簿沙門德合粗有學義謂顏峻曰貧道粗見識記當有真人應符名稱次第屬在殿下峻在彭城嘗向親人叙之以言遂宣布聞於太祖時元凶巫蠱事已發故帝不加推治

南齊太祖生二歲乳人乏乳皇妣孝皇后夢人以兩甌麻粥與之覺而乳大出吳而說之帝舊宅在武進縣宅南有一桑樹擢

三夫橫生四枝狀似華蓋帝年數歲好戲其下從兄敬宗曰此樹為汝生也帝年十七夢乘青龍西行逐日日將薄山乃止覺而恐惧家人問占者云至貴之象也蘇侃云青者木色日暮者宋氏未運也宋泰始二年明帝遣前淮南太守孫奉伯往淮陰監元會奉伯舊與帝款是行也帝與奉伯同室臥奉伯夢帝乘龍上天於下捉龍脚不得及覺叙夢因謂曰兗州當大庇生靈而弟不得與也奉伯竟卒於宋世帝在日陰治城得一錫跌大數尺下有篆文莫能識者紀僧真曰何須辨此文字此自父遠之物九錫之徵也帝曰卿勿妄言又宋世芮芮國相希利賈解星算數術通胡漢語帝言南方有姓名齊者其人當興又宋朝初議封帝為梁公輔國主簿崔祖忠啓帝曰識書云金刀利刃

齊刈之今宜稱齊實應天命從之帝居武進彭山岡阜相屬數百里其上常有五色雲又有龍出焉帝時已貴矣明帝甚惡之遣善占墓者高靈文往墓所占相靈文先結事太祖還說荅曰不過出方伯耳密白太祖曰貴不可言明帝意猶不已遣人踐藉以左道厭之後於所樹華表柱忽龍鳴震響山谷及明帝寢疾為身後之慮多剪功臣帝亦見疑每云蕭道成有不臣相帝鎮淮陰每懷憂惧忽見神人謂帝曰無所憂子孫當昌盛元徽四年太祖從南郊望風氣者陳安保見太祖身上黃紫屬天安寶謂親人王洪執曰我少來未嘗見軍上有如此氣也又參軍崔靈見夢天語曰蕭道成是我第十九子我去年已使授其天子位考自三皇五帝已降受命之次至帝為十九也又所居武

進縣有一道相傳云天子路或謂秦皇所游或云孫氏舊時訛
言東城天子出其後建安王休仁鎮東府明帝懼殺休仁而常
門東府不居明帝又屢幸以厭王氣又使子安成王居之及蒼
梧王敗安成王代立時威言為驗術數者推之帝舊居武進東
城村東城之言其在此也昇平二年東延陵縣季子廟沸井之
北忽聞金石聲疑其異鑿深三尺得沸井奔湧若浪其地又響
既復鑿之得一井湧沸亦然井中得一木簡長一尺廣二分上
有隱起字曰廬山道士張陵再拜詣闕起居簡大聖白字色乃
黃會稽剡縣有山名刻石父老相傳云山雖名刻石而不知名
字所在昇平末縣人倪襲祖行獵忽見石上有文字凡三處苔
生其上字不可識乃去苔視之其大石文曰此齊者黃公之化
氣也立石曰黃天星姓蕭字道成得賢師天下太平小石文曰
刻石者紹興會稽南山李斯刻秦望之峯也河洛讖曰歷年七
十水滅緒風雲俱起鳳麟舉又曰爾草成道德盡俛宋水德也
義熙元年宋武帝王業之始至齊授命十七年又讖曰蕭為一
士天下樂一士主字也郭文舉金雄記曰當後有作肅入草也
王子年歌曰金刀治世後遂苦帝王昏亂天神怒災異屢見戒
人主三分三叛失州土三王九江一在吳餘悉邪小早少孤一
國二主天所驅金刀劉也三分三叛宋明帝世也三王九江者
孝武於九江興晉安王子勛雖不終亦稱大號後世祖又於九
江基霸迹此三王也一在吳謂齊氏桑梓亦寄治南吳也一因
三主謂太祖符運潛興為宋氏驅除寇難歌又曰三木慘慘林

茂孳金刀利刃齊刈之金刀劉也刈翦也欲知其姓草蕭蕭穀
中最細低頭熟鱗身甲體永興福穀中精細者稻也即道熟猶
成也孔子河洛讖曰竭河梁塞龍泉消除水災泄山川水即宋
也宋氏為災害故曰水災梁亦水也竭河梁則行路成矣路猶
道也消除水災除宋氏水之災害也河圖讖又曰上參南斗第
一星下立草屋為紫庭龍神之岡梧桐生鳳鳥輯翼朔旦鳴南
斗吳分野也草屋者居上蕭字象也天子何在草中宿宿肅也
又蕭管之器像鳳鳥翼也又曰先是益州有山古老相傳曰齊
后山昇平三年四月二十三日有沙門玄暢者於此山立精舍
其日上登尊位其月二十四日滎陽郡人月千於嵩山東南偶
見天兩石墜地石門有玉璽在其中璽方三寸文曰戊丁之與
道俱肅然入草應天符掃平河洛清魏都又曰皇帝運興千奉
璽詣雍州刺史蕭赤谷以獻又宋武帝於嵩高山得玉璧三十
二枚神人云此是宋卜世之數三十二者二世也宋自受命至
禪齊凡六十年然則帝之符應也

武帝小字龍兒以宋元嘉十七年六月己未夜生於建康青溪
宅其夜陳孝后劉昭后同夢龍據屋上故字帝為又其夕無火
婢吹灰而火然年十三夢人以筆畫身左右為兩翅又着孔雀
羽衣裳空中飛舉體生毛髮長至足有人指上所踐地曰周文
王之田又所住堂內得璽一枚其文曰皇帝行璽又得異錢文
為北斗星雙刀雙具及有人形帶劔為仕宋為贛令江州刺史
晉安王子勛反帝不從命南康相沈蕭之繫帝郡獄族人蕭欣

祖門客桓康等破郡迎出帝帝遂率部曲百餘人起義避難揭陽山有白雀來集聞山中有清聲傳漏響又於山累石為佛圖其側忽生一樹狀若華蓋青翠扶疎有殊輝木帝將討戴凱之大饗士卒是日大熱帝各令折荆枝自蔽言未終而有雲垂蔭正當會所會罷乃散及為廣興相嶺南積旱連水阻涸商旅不通帝部伍既至無雨而川流暴起遂得利涉後為左衛將軍於益城禦沈攸之益城握整得一大錢文曰太平百歲于時城內乏水欲引水入城始鑿城內遇伏泉湧出如此者九處用之不竭

和帝即位於江陵建武中荊州大風雨龍入栢齋中柱壁上有爪足處刺史蕭遙欣恐畏不敢居之至是以為嘉福殿

梁高祖母張皇后嘗於室內忽見庭前昌蒲生華光昭灼非世中所有后驚視謂侍者曰汝見不對曰不見后曰嘗聞見者富貴因遽取吞之又嘗夢抱日已而有娠遂產帝將產之夜后見庭內若有衣冠陪列焉生而音異兩脰駢骨頂上隆起有文在右手曰武帝所居室嘗若雲氣人或過者體輒肅然嘗行經牛渚逢風入泊龍瀆有一老人謂帝曰君龍行虎步貴不可言天下方亂安之者其在君乎問其名氏忽然不見陰智伯與帝隣居少相友善嘗入帝臥內見有異色成五色因握帝手曰公後必大貴非人臣也天下方亂安蒼生者君乎帝曰幸勿多言於是情好轉密帝每有求索如外府焉帝在襄陽住齋常有五色烟轉狀若瑞龍其上紫雲騰起形如繖蓋初齊高帝夢履而登

殿顧見武明二帝後一人手張天地圖而不識問之荅曰順孫
後及崔惠景之通長沙宣武王入援至越城夢乘馬飛半天而
墜帝所馭化為赤龍騰虛獨上時臺內有宿衛士為覲常見太
極殿有六龍各守一柱末忽失其二後見在宣武王宅時宣武
為益州覲乃往蜀伏事及宣武在郢北覲還都乃見六龍俱在
帝所寢齋遂去郢之雍中途遇疾且死謂同侶曰蕭雍州必作
天子具以前事語之推此而言蓋天命也齊中興二年正月始
為梁公南兗州隊主陳文興於垣城內鑿井得玉鏤麒麟金鏤
玉璧水精環各二枚又建康令羊善解稱鳳凰見縣之桐下里
齊宣德皇后稱美符瑞歸于相國府又延陵縣華陽邏主戴車
牒稱去年十一月乙酉甘露降茅山彌數里正月乙酉邏將潘

道蓋於山石穴中得毛龜一二月辛酉邏將徐靈符又於山東
見白黿一丙寅平旦山上有雲霧四合須臾有玄黃五色狀如
龍形長十餘丈乍隱乍顯久乃從西北升天丁卯兗州刺史馬
元和籤所領東平郡壽張縣見騶虞

元帝高祖第七子初高祖夢眇目僧執香爐稱托王宮既而帝
母在采女次侍始褰戶幔有風飏裾高祖意感幸之采女夢月
墮懷中遂孕天聖七年八月丁巳生帝舉室中非常香有紫胞
之異高祖竒之因賜采女姓院進為修容帝在尋陽夢人曰天
下將亂王必維之又背生黑子巫媪見曰此大貴不可言時賀
革為帝府諮議使講三禮因革上意甚不悅迺別御史中丞江
革告之曰吾常夢主上遍見諸子至湘東王脫帽授之此人後

田府元龜
必當壁鄉其行乎華領之大寶元年帝在江陵正月辛亥朔左
衛將軍王僧辨獲橘三十子共蒂以獻二月甲戌衡陽內史周
孔直表言鳳凰見郢界二年十月辛丑朔有紫雲如車蓋臨江
陵城三年遂即帝位

陳高祖漢太立長寔之後世居潁川寔六世孫達出為長城令
悅其山水遂家焉嘗謂所親曰此地山川秀麗當有王者興二
百年後我子孫必鍾斯運帝嘗遊義興館於許氏夜夢天開數
丈有四人朱衣奉日而至令帝開口納焉及覺腹中猶熱帝心
獨負之梁太寶初侯景寇京師帝起義兵發自南康南康瀨石
灘有二十四灘灘多巨石行旅者以為難帝之發也水暴起數
丈二百里間巨石皆沒進軍屯西昌有龍見於水濱高五丈許

文采鮮耀軍民觀者數萬人既次蔡州侯景登石頭城觀望形
勢意甚不悅謂左右曰此軍上有紫氣不易可當嘗夢梁武帝
以寶刀授已又嘗獨坐胡床於閣下忽有神光滿閣廊廡之間
並得相見趙知禮侍側恠而問帝帝笑不荅梁敬帝紹泰二年
二月前寧遠石城公外兵叅軍王位於石頭沙際獲玉璽四年
七月太府卿何凱新州刺史華志各上玉璽一高祖表以送臺
紹歸之高祖大平元年九月中散大夫王彭賤稱今月五日平
旦於御路見龍迹自太社至象闕亘三四里帝既即位于南郊
柴燎告天先是氛霧晝夜晦冥至於是日景氣清晏識者知有
天道焉

文帝微時嘗詣劉仲舉時天陰雨仲舉獨坐齋內聞城外蕭鼓

之聲俄而帝至仲舉異之乃深結託帝又嘗因飲夜宿仲舉帳中忽有神光五彩照於室內由是祇承益恭梁大清初夢兩日聞一大一小大者光滅墜地止廣其大如斗闕文而懷之宣帝梁大通二年七月辛酉生有赤光滿堂室事梁元帝為中書侍郎時有馬君主李聰與帝有舊每同遊處帝嘗夜被酒張燈而寐聰適出尋及乃見帝身是大龍

比齊神武帝皇考樹性通率不事家業居處白道南數有赤光紫氣之異鄰人以為恠帝歆徙居以避之皇考曰安知非吉居之自若後神武自隊主轉輸為函使嘗采驛過建雲霧晝晦雷聲隨之半日乃絕若有神應者每行道路往來無風塵之色又嘗夢獲衆星而行覺而內喜又與懷朔省事雲中司馬子如及

秀容人劉貴中山人賈顯智為奔走之友懷朔戶曹史孫騰外兵吏侯景亦相友結劉貴嘗得一白鷹與神武及尉景蔡雋司馬子如賈顯智等獵於沃野見一赤兔每搏轍逸遂至迥澤澤中有茅屋將奔入有狗自屋中出噬之鷹兔俱死神武怒以鳴鏑射之狗斃屋中有二人出持神武襟其母兩目育曳杖謂其二子曰何故觸大家出甕中酒烹羊以飯客因言暗相諸人皆曰貴而指麾俱由神武又曰子如歷位顯智不善終飲竟出行數里還更訪之則本無人居乃向非人也由是諸人益加敬異後抵揚州邑人龐蒼鷹止圍焦中每從外歸主人遙聞行響動地蒼鷹毋數見圍焦赤氣赫然屬天又蒼鷹嘗夜歆入有青衣人技力叱曰何觸土言訖不見始以為異密覘之唯見赤蛇蟠

床上乃益驚異因殺牛分肉厚以相奉蒼鷹毋求以神武為義
子及得志以其宅為第號為南宅雖門巷開廣堂宇崇麗其本
所住園焦以石堊塗之留而不毀至文宣時遂為宮初魏真君
中內學者奏言上黨有天子氣云在壺關大王山大武於是南
廵以厭雷之累石為三封斬其北鳳皇山以毀其形後上黨人
居晉陽者號上黨坊神武實居之晉泰初歲星熒惑鎮星太白
聚於觜參色甚明太史占云當有王者興是時神武起於信都
破介休兆等天平元年二月永寧寺九層浮圖災既而人有從
東萊至云及海上人咸見之於海中俄而霧起乃滅說者以為
天意苦永寧見災魏不寧矣飛入東海渤海應矣三年六月壬
申神武如天池中獲瑞石隱起成文曰六王三川于時楊休之
為行臺即中帝獨在帳中問之此文字何義對曰六者是大王
之字王者當有天下此乃大王符瑞命之徵既於天池中得此
石可為天意王命也吉不可言帝又問三川何義休之曰何洛
伊為三川亦云渭涇洛為三川河洛伊洛陽也涇渭洛今雍州
也大王若受天命終應統有闕右帝曰世人無事常道我欲反
今聞此更致紛紜慎莫妄言也初帝從父弟岳家于洛邑帝每
奉使入洛岳毋山氏常夜起見帝室中有光密往覘之乃無灯
即移帝於別室如前所見恠其神異詣卜者筮之遇乾之大有
占之曰吉稱飛龍在天大人造也飛龍九五大人之卦貴不可
言山氏歸報帝帝後起兵於信都山氏聞之大喜謂岳曰赤光
之瑞今當驗矣汝可間行從之共圖大計岳遂往信都帝見大

悅

文襄帝高祖長子母姜太后初夢一大龍遂孕帝

文宣帝文襄母弟太后夢大龍首尾屬天地張口動目勢狀驚人因孕帝每夜有赤光照室后私嘗怪之初神武之歸尔朱榮時經危乱家徒壁立后與親姻相對共憂寒餒帝時尚未能言欬然應曰得活太后及左右大驚而不敢言及長鱗身重蹠不好戲弄深沉有大度晉陽曾有汝門乍愚乍智時人不測呼為阿秃師帝曾與諸童共見之歷問祿位至帝舉手再三指天而已口無所言見者異之神武嘗從諸子過鳳陽門有龍在上唯神武與帝見之後從文襄行過遼陽山獨見大門開余人無見者東魏武定七年赴晉陽摠廢政八年進封齊王自居晉陽寢

室夜有光如晝既為王夢人以筆點已額旦以告館客王曇哲曰吾其退乎曇哲再拜賀曰王上加點便成主字乃當進也乾明二年二月文襄終時訛言上黨出聖人帝聞之將徙一郡郡人張思進上言殿下生於南宮坊名上黨出聖人帝悅而止先時童謡曰一束藁兩頭然河邊羖羝飛上天藁然兩頭於文為高河邊羖羝為水邊羊指帝名也於是徐之方盛陳宜受禪且讖云羊飲盟津角駐天盟津水也羊飲水王名也角駐天大位也又陽平郡界迴星驛傍有大水土人常見群羊數百位卧其中就視不見事與讖合顏王勿疑帝以問高德正德止又贊成之於是始決乃使李春卜之遇大橫曰大吉漢文帝之卦也帝乃鑄像以卜之一寫而成及將受禪是年四月夜禾生於魏帝

銅研旦長數寸有穗

孝昭帝文宣母弟太后夢蠕龍於地遂孕帝

武成帝孝昭母弟太后夢龍浴於海遂孕帝

後主武成帝長子母曰胡皇后夢於海上坐玉盆日入晨下遂有娠大保七年五月五日生帝於并州邯

梁大祖以唐大中六年歲在壬申十月二十一日夜生於碭山縣十溝里是夕所居廬舍之上有赤氣上騰里人望之皆驚奔而來曰朱家火發矣及至則廬舍儼然既而隣人以誕豫告衆咸異之帝昆仲三人俱未冠而孤母王氏攜養寄於蕭縣人劉崇之家帝既壯不事生業以稚勇自負里人多厭之崇以其慵惰每加譴杖唯崇母自幼憐之親為櫛髮啗戒家人曰朱三非

常人也汝輩當善待之家人問其故答曰我嘗見其熟寐之次為一赤蛇然衆亦未之信也唐乾符中木星入南斗數夕不退諸道都統晉國公王鐸觀之問諸知星者吉凶安在咸曰金火土犯斗即為災唯木當應為福耳或亦然之時有術士邊岡者洞曉天文博通陰陽歷數之妙窮天下之寄秘有先見之明雖京房管輅不能過也鐸召而質之岡曰唯木為福神當以帝王占之然則非福於今必當有驗於後未敢言之請他日證其所驗一日又家召岡因堅請語其詳至於三四岡辭不獲諾乃屏去左右岡曰木星入斗帝王之兆也木在斗中朱字也以此觀之將來有朱氏為君者也天戒之矣且木之數三其禎也應在三紀之內乎鐸聞之不復有言及為梁王迎駕於鳳翔天復二

年九月甲辰帝以敵寨聯絡稍盛躬統千騎乘高詠之時秋空
澄霧四絕纖靄望者見龍旌上紫雲如織遠邇同矚或曰馬氣
上騰往往若是或曰前後騎士屯集豈一二乎苟無是邪茲固
奇瑞非常者所當也三年十月甲午有大聲出於梁邨之廳事
帝甚驚駭占者曰當有大慶後封魏王天祐四年正月自河北
還壬寅至梁是日有五色雲覆于府署之上士庶靡不覩者又
單庫前有苦井當以備灑滌之用一旦其味忽變甘美若飴冠
于他井今見在焉二月戊申朔家廟主者言廟之左棟產五色
芝狀如芙蓉紫炷蒙護數日不散是日福建帥遣吏持賤幣通
好仍以白鸚鵡一獻自爾旬朔之內諸州郡繼以白鳥白雀白
兔洎白蓮之並蒂者相次來獻上睹之謙畏彌極咸命具表歸
太廟四月帝將受禪宋州刺史王臯進赤鳥一隻又宰臣張文
蔚正押傳國寶玉冊金寶及文武群臣諸司儀仗法物及金吾
左右三軍離鄭州丙辰達上源驛是日慶雲見

新刊監本冊府元龜卷之二百四

閏位部 一十二

知子 知臣 念良臣

知子

夫知子者莫若父知臣者莫若君蓋父子之間否臧易辨齟齬之際性習已彰若能鑒其誠明遺其外飾闕其好美之意觀以成人之風自適察選材將焉適况夫負英武之略應偏閏之位固宜念國家之重審裔嗣之能建為元良付大業而不墜委之國事被讒間以無疑事諸簡編亦君人之懿德也

吳孫堅為下邳丞時權始生兄策起事江東權常隨從性度弘朗仁而多斷好狹養士始有知名侔於父兄矣每參同計謀策

甚奇之自以為不及也每請會賓客顧權曰此諸君汝之將也
策臨終呼權佩以印綬謂曰舉江東之衆決機於兩陣之間與
天下爭衡卿不如我舉賢任能各盡其力保江東我不如卿宋
臨川王義慶高祖中弟道憐子也出繼叔父道規後義慶幼為
高祖所知常曰此我家豐城也

梁臨川王宏大祖第六子也齊明帝時為桂陽王功曹吏衡陽
王暢有美名為始安王蕭遙所接及遙光作亂逼暢入東府高
祖在雍州常懼諸弟及禍謂南平王偉曰六弟明於事必先還
臺及信至果如高祖策

南平王偉高祖之弟也幼清警好學齊世為晉王安外兵時高
祖為雍州慮天下將亂求迎偉俄聞已入沔高祖欣然謂佐吏
曰吾無憂矣

南康王子通理高祖孫也父死服闋見高祖悲泣不目勝高祖
謂左右曰此兒大必為奇士

陳高祖母弟休先少倜儻有大志梁簡文之在東宮深被知遇
大清中既納侯景有事北方乃使休先召募得千餘人為文帝
主帥頃之卒高祖之有天下也每稱休先曰此弟若存河洛不
足定也

文帝始興昭烈王長子也高祖甚愛之常稱此兒吾家莫秀
也

北齊文宣弟高祖二子世宗母弟也內雖明敏貌若不足世宗
每嗤之云此人亦得富貴相法亦何由可解唯高祖異之謂薛

叔曰此兒意識過吾

上黨剛肅王渙字敬壽神武弟七子天姿雄傑倣儻不群雖在童幼常以將畧自許神武壯而愛之曰此兒似我

馮翊王潤神武弟十四子也幼時神武稱曰此吾家千里駒也

為定州刺史時監王開府王迴洛與六州大都督獨孤枚侵竊

官田受納賄賂潤按其事二人表言出送臺使登魏城文宣使

元文遙就州宣勅曰馮翊王少小謹慎在州不為非法朕信之

款矣登高遠望人之常情胤輩欲輕相問構曲生眉目於是迴

洛決鞭二百獨孤決杖一百

北平王貞字仁堅武成弟五子沈審寬恕帝常曰此兒我鳳毛

知臣

夫有國者莫不急於選士務在官人詢之以計畫委之以事任故能創業垂統名與功偕傳世祚於後裔著語言於可久者也自東漢之季吳蜀歛起莫不摠覽豪傑保守封域當其君臣之分甫定疆場之事日駭而能審其才用亮其誠明或委之以腹心或仗之以師旅雖諛間之言曰至疑似之迹屢彰而任之如初不以胥意其或察其操履悉其素尚苟位未克量姑待以遠期若名浮於實前知其敗事傳所謂惟君知臣者蓋得之矣由宋氏而下逮夫梁陳高齊咸奄據一方烝用髦士至於知人善任詔爵論官盡臣下之心悉忠謹之分亦皆可述焉

蜀先主初見諸葛亮屏人語而稱善於是與亮情好日密關羽張飛等不悅先主解之曰孤之有孔明猶魚之有水君勿復言

亮後為丞相

鄧芝為郫閣督先主出至郫與語大奇之擢為郫令遷廣漢太守所在清嚴有治績

趙雲字子龍先主之敗有人言雲已北去者先主以守戰適之曰子龍不棄我走也頃之雲至後為鎮軍將軍

劉巴字子初初先生辟為左將軍西曹掾先主曰子初才智絕人如孤可用任之非孤者難獨任之

馬謖字幼常以荊州從事隨先主入蜀除綿竹成都令越嵩太守才器過人好論軍計丞相諸葛亮深加器異先主臨薨謂亮

曰馬騃言過其實不可大用君其察之亮猶謂不然以謖為參軍每引見談論自晝達夜後謖與魏將張郃戰于街亭謖違亮

節度為郃所破亮戮謖以謝衆

張飛為車騎將軍領司隸校尉為其帳下將張達范疆所殺持其首順流而奔孫權飛營都督表報先主先主聞飛都督之有表也曰噫飛死矣

吳孫策初為豫章太守得大史慈命往豫章安撫士衆左右皆

曰慈必北去不還策曰子義捨我當復與誰餞送昌門把腕別曰何時能還答曰不過六十日果如期而反

策初遣慈也議者或云與華子真同里恐留彼為籌或疑慈西托黃祖假路還北多言遣之非計策曰諸君諸者非也孤斷之詳矣大史子義雖氣勇有膽烈然非從橫之人其心上謨志經道義貴重然諾一以意許知已死亡不相負諸君勿復憂也慈從豫章還議者乃始服慈見策曰華子真良德也然非籌畧才無佗方規自守而已又丹陽僮芝自擅廬陵詐許諾書為太守鄱陽氏帥別立宗部阻兵守界不受子魚所遣長吏言我以別立郡須漢遣真太守來當迎之耳子魚不但不能諧廬陵鄱陽近自海昏有

上僚壁五千家祖結聚作宗位惟輸祖布於郡耳發召一人遂
不可得子莫亦親視之而已策附掌大笑遂有無并之志矣頃
之遂定
豫章

張昭初為孫策長史昭每得北方士大夫書疏專歸美於昭昭
歆點而不宣則懼有私宣之則恐非宜進退不安策聞之歡笑
曰管子相齊一則仲父二則仲父而桓公為霸者宗今子布昭
賢我能用之其功名獨不在我乎

大帝初移都建業大會將相文武特謂嚴謨曰孤昔歡魯子敬
比鄧禹呂子衡方吳漢聞得卿諸人未平此論今公云何謨退
席曰臣未解指趣謂肅範受饒褒歎過實大帝曰昔鄧仲華初
見光武光武時受更始使撫河北行大司馬事耳未有定王志
也禹勸之以復漢業是禹開初議之端矣子敬英爽有殊略孤

始與一語便及大計與禹相佞故比之呂子衡忠篤亮直性雖
如奢然以憂公為先不足為損避表術自歸於兄兄作大將別
領部曲故憂兄事乞為都督辨護修整加之恪勤與吳漢相類
故方之皆有旨趣非孤私之也峻乃服

諸葛瑾代呂蒙領南郡太守住公安蜀先主東伐吳吳王求和
瑾與先主賤曰菴聞旗鼓來至白帝或恐議臣以吳王侵取此
州危害關羽恐深禍大不宜荅和此用心於水未留意於大者
也試為陛下論其輕重及其大小陛下若抑威損忿暫省瑾言
者計可立決不復咨之於群后也陛下以關羽之親何如先帝
荆州大小孰與海內俱應仇疾誰當先後若審此數易於反掌
時或言瑾別遣親人與先主相聞大帝曰孤與子瑜有死生不

易之誓子瑜之不負孤猶孤之不負子瑜也瑾之在南陽人有

流聞於外陸遜表保明瑾無此宜以散其意大帝報曰子瑜與

孤從事積年思如骨肉深相明究其為人非道不行非義不言

玄德昔遣孔明至吳孤嘗語子瑜曰鄉與孔明同產且弟隨兄

玄德自隨人耳子瑜答孤言弟亮以失身於人委質定分義無

二心弟之不留猶瑾之不往也其言足貫神明今豈有當此乎

孤前得妻語文疏即封示子瑜并手筆與子瑜即得其報論天

下君臣大節一定之分孤與子瑜可謂神交非外言所間也知

卿意至轍封來表以示子瑜便知鄉意

魯肅初為中護軍周瑜所薦才宜佐時大帝見肅甚悅之張昭

非肅謙下不足頗訾毀之云肅年少龐統未可用大帝不以介

意益貴重之賜肅母衣服幃帳居處雜物富擬其舊

潘濬字承明為大帝時濬姨兄零陵蔣琬為蜀大將或有間濬

於武陵太守衛旌者云濬遣密使與琬相聞有自托之計旌以

啓大帝大帝曰承明不為此也即封旌表以示於濬而召旌免

還官

是儀為侍中時時有所進達未嘗言人之短事國數十年未嘗

有過呂壹歷曰將相大臣或一人以罪聞者數四獨無以白儀

大帝歎曰使人盡如是儀奚用科法為儀後為尚書僕射儀事

上勤與人恭不治產業不受施惠為屋舍總足自容鄰家有起

大宅者大帝出望見問起大室者誰左右對曰似是儀家也大

帝曰儀儉必非也問果他家其見知信如此

宋高祖初為晉大尉時或薦王鎮惡於高祖時鎮惡為大門臨

灑令即遣召之既至與語甚異焉因留宿明旦為左右曰鎮惡

軍大尉軍事署前部職曹

朱齡石為寧遠將軍寧蠻護西陽太守高祖代蜀將謀元帥而難其人乃舉齡石衆咸謂自古平蜀皆雜傑重將齡石資名尚輕慮不辦克諫者甚衆高祖不從乃分大軍之半猛將勁卒悉以配之滅熹敬皇后弟也資位在齡石之右亦令受其節度是行亦不淹時一戰克捷衆咸服高祖之知人又羨齡石之善於其事

徐爰初為晉大司馬典軍從高祖北征縝密有意理為高祖所知

蔡廓為豫章太守徵為吏部尚書廓曰我不能為徐于木署紙尾羨之乃徙廓為司徒尚書初高祖常云羊徽蔡廓可平世三

公 于木徐羨之小字

王曇首有識局智度喜怒不見於色太祖鎮江陵曇首自功曹為長史隨府轉鎮西長史高祖甚之知謂太祖曰王曇首沈毅有器度宰相才也汝每事咨之

王智有高名高祖甚重之常云見王智使人知重高祖與劉穆之謀討劉毅而智在焉佗日穆之白高祖伐國重事也公何乃使王智知高祖笑曰此人高簡豈聞此輩論議其見知如此擅道濟為護軍丹陽尹高祖不豫出為鎮北將軍南兗州刺史高祖疾甚召太子誡之曰擅道濟雖有幹略而無遠志非如兄韶有難御之氣也徐羨之傳亮當無異圖謝晦數從征伐頗識機變若有同異必此人也也可以會稽江州處之

孝武帝初為徐兗二州刺史以崔道固為從事道固美形容善
舉止便弓馬好武事孝武稍嘉之會青州刺史新徐過彭城孝
武謂之曰崔道固人身如此豈可謂寒士至老手而世人以其
偏庶便相陵侮為可歎息

明帝時沈憲少有幹局為駕部郎帝謂憲曰卿廣州刺史才也
南齊太祖初為宋大將軍輔政以劉懷珍內資未多徵為都官
尚書領前軍以弟四子寧朔將軍晃代為豫州刺史或歎懷珍
不受代太祖曰我布衣時懷珍便推懷投歎况在今日寧當有
異晃發經日而疑論不止乃遣軍主房靈民領百騎追送晃謂
靈民曰論者謂懷珍必有異同我期之有素必不應爾卿是鄉
里故遣卿行非為謂新亦以迎故也懷珍還仍受相國左司馬

垣崇祖初為宋義陽王道隆征北參軍道隆被誅薛安都反宋
明帝遣沈牧之等討安都安都将裴祖隆引崇祖共拒戰衆敗
與祖隆俱走彭城後魏陷徐州彭城將部曲據胸山因遣使歸
命時太祖在淮崇祖初見太祖便自北韓信白起咸不信唯大
祖獨許之崇祖再拜奉旨後為豫州刺史後魏遣馬步二十萬
寇壽春崇祖堰淝水却淹為三面之險魏衆集堰南分軍內薄
攻小成崇祖決淝水勢奔下魏攻成之衆人馬溺死數萬大衆
皆退走太祖謂朝臣曰崇祖許為我制虜果如其言其常自擬
韓白今真其人也

劉繪父緬宋末權貴繪為大祖大尉行參軍大祖見而歎曰劉
公為不亡也

明帝時江西公遙欣髫齡中使嶷然帝謂江祐曰遙欣雖幼觀其神彩殊有局幹必成令器未知今年何如耳安陸昭王緬曰不患其兄弟不富貴但恐緬不及耳言之慘然而悲

裴叔業為右軍將軍東中郎將諮議參軍明帝見而奇之謂之曰卿有如是志相何慮不大富貴深宜勉之

梁高祖為太子中庶子時王約廢錮常謂約曰卿方當富貴必不容久滯屈及帝作輔謂曰我嘗相卿當富貴不言卿今日富貴使當見由歷侍中左戶部尚書廷尉

沈約為高祖驃騎司馬帝將革命令約草其事并諸選置帝初無所改後召范雲謂曰生平與沈休文群居不覺有異人處今日才智縱橫可謂明誠

王國珍為大司馬中兵參軍高祖雅相知賞每歡曰晚代將家子弟有如國珍少矣

王訓字懷範左僕射暕之子年十六召見文德殿應對爽徹高祖目送久之謂朱忌曰可謂相門有相矣後累遷侍中既拜入見帝從容問何敬容曰褚彥回年幾為宰相對曰少過三十帝曰今之王訓無謝彥回

張繡字伯緒年十一尚武帝女富陽公主年十七身長七尺四寸眉目踈朗神采奕發高祖異之嘗曰張壯武云後八葉有逮吾者其子乎

柳慶遠始高祖為雍州慶遠為別駕嘗謂曰昔羊公語劉弘卿後當居吾處今相現亦復如是曾未十年而慶遠督府談者以

為逾於魏詠之

元帝初為湘東王鎮荊州以庾曼倩為主簿遷中錄事每出帝常目送之謂劉之遴曰荊南信多君子雖美歸田鳳清屬桓階賞德標奇未過此子

毆陽頽為臨賀內史元帝承制以為東衡州刺史侯景平元帝遍問朝臣今天下始定極須良才卿各舉所知群臣未有對者帝曰吾已得人侍中王褒進曰未審為誰帝云毆陽頽公正有兼濟之才恐蕭廣州不為致之乃受武州刺史

陳高祖初為大將軍與諸將醢杜僧明周文育侯安都為壽各稱功代高祖曰卿悉良將也而並有所短杜公志大而識暗狎於下而驕於尊矜其功不收其拙周侯交不擇人而推心過差

吾危履險猜防不設侯即傲誕而無厭輕挑而肆志並非全身之道率皆如言

毛喜為西昌侯記室參軍高祖素知於喜及鎮京口命喜與高宗俱往江陵仍勅高宗曰汝至西朝可諮稟毛喜喜與高宗同謁梁元即以高宗為領直喜尚書侍郎

北齊神武為東魏大丞相謂文襄曰庾狄子鮮卑老公解律金勅勤老公並性純道直終不負汝尔朱渾道元劉豐生遠來投我必無異心賀拔焉過而僕實無罪過潘樂本作道人而心和厚汝兄弟當得其力韓少戇宜寬借之彭相樂心腹難得宜防護之少堪敵侯景者惟有慕容紹宗我故不貴之留以與汝宜加深殊礼委以經略後紹宗為徐州刺史侯景叛梁武遣其兄

子深明率衆十萬與景猗角紹宗大破之擒深明及其將帥景
逐奔遁

催謙初為齊神武相府功曹神武稱曰催謙清直奉公真良也佐
趙隱字彥深初為神武大丞相功曹參軍神武曾與對坐遣造
軍令以手捫其額曰若天假卿年必大有所至每謂司徒孫騰
曰彥深小心恭慎曠古絕倫

斛律金仕東魏為冀州刺史神武重其古質每誡文襄曰尔所
使多漢人有諛此人者勿信之及文襄嗣事為肆州刺史
宋游道在東魏為司州從事神武自大原來朝見之曰此人是
游道邪常聞其名今日始識其面迂游道別駕後日神武之司
州饗朝士舉觴屬游道曰飲高歡手中酒者大丈夫卿之為人

合飲此酒及還晉陽百官辭於紫陌神武執游道手曰甚知朝
貴中有憎忌卿者但用心莫懷畏慮當使卿位與之相似

文宣嘗幸東宮九卿以上陪集帝指崔昂大尉瑾司馬子瑞謂
太子曰此是國家柱石可以記之未幾復侍讌金鳳臺帝歷數
諸人咸有罪負至昂曰崔昂直臣魏收才士婦兄妹夫俱省罪
過

念良臣

夫琴瑟是聽君子有志義之思卿佐或虧元首有股肱之痛君
臣之道不亦重乎粵若天曆餘分鼎峙立國宋齊而下互專霸
業必有良士勤宣令圖或經武以著能或緯俗而底績及夫首
節死義先時物故竭誠率職奄忽淪謝是用震悼上心悲涕斯

集形於嗟歎發乎言喻乃至撤去盛食具乃素服託深辭於文
誅撫哀興於風什躬設祖奠親臨吊祭易徽名而表行加異數
以報功賜予便蕃追叙優渥諒非德侔咸一情敦終始者疇克
以當之哉

蜀先生初薦荊州牧以漢建安十九年入蜀進圍雒縣軍師中
即將龐統率衆攻城為流矢所中卒時年三十六先主痛惜言
則流涕拜統父議郎遷諫議大夫諸葛亮為之拜追賜統爵關
內侯謚曰靖侯

法正有智術先主甚信任之為尚書令護軍將軍卒時年四十
五先主為之流涕者累日謚曰翼侯賜予邈爵關內侯

霍峻為梓潼太守裨將軍卒還葬成都先主甚悼惜乃詔諸葛

亮曰峻既佳士加有功於國欲行酹遂親率群寮臨會吊祭因
留宿墓上

吳大帝初薦吳侯偏將軍南郡太守周瑜卒時年三十六大帝
素服舉哀感慟左右喪當還吳又迎之流涕曰公瑾有王佐之
資今忽短命孤何賴哉後大帝稱尊號謂公卿曰孤非周公瑾
不帝矣

魯肅字子敬為橫江將軍既卒後大帝稱尊號臨壇顧公卿曰
昔魯子敬嘗道此可謂明於事勢矣

凌統為偏將軍在軍旅親賢接士輕財重義有國士之風卒時
年四十九大帝聞之拊牀起坐哀不能自止數日減膳言及流
涕使張承為作銘誄三子列封年各數歲大帝內養於宮愛待

與諸子同賓客進見呼之曰此吾虎子也及八九歲令葛光教之讀書十日一令乘馬追錄統功封烈亭侯還其故兵後烈有罪免封復襲爵領兵
呂範字子衡初為揚州牧勤事奉法大帝統事以範忠誠見厚任信遷大司馬印綬未下疾卒及大帝還都建業過範墓呼曰子衡言及流涕祀以大牢

闕澤為太子太傅領中書令諸官司有所患疾欲增重科房以檢御臣下澤每日宣依禮律其和而有正皆此類也及卒大帝痛惜感悼食不進者數日

呂蒙以擒關羽之功為南郡太守尋陵侯卒大帝哀痛甚為之降損蒙未死時所得金寶諸賜盡付府藏勅主者命絕之日皆

上還喪事務約大帝聞之益以悲感

朱然為左大司馬右軍師氣候分明內行脩潔其所文采惟施軍器餘皆質素終日欽欽常在戰場臨急膽定尤過絕人年六十八赤烏十二年卒大帝素服舉哀為之感慟

宋高祖初為宋公時左僕射劉穆之以晉義熙十三年卒高祖在長安聞之驚慟哀惋者數日及受禪拊牀歎之曰穆之不死當助我理天下可謂人之云亡邦國殄瘁光祿大夫范泰對曰聖主在上英彥滿朝穆之雖功著艱難未容便閑與毀帝笑曰卿不聞騶隸乎貴日致千里耳帝後復曰穆之死人輕易我其見思如此以佐命元勳遐封南康郡公謚曰文宣

謝景仁為左僕射卒高祖親臨哭之甚慟與驃騎將軍道憐書

曰謝景仁殞逝悲慟摧割不能自勝汝聞問惋愕亦不可懷其
器體淹中情寄實重方欲與之共康時務一日至此痛惜兼深
往矣柰何當復柰何

文帝時侍中殷景仁卒與荊州刺史衡陽王義季書曰殷僕射
疾患少日奄忽不救其識具經遠奉國竭誠周遊繾綣情兼常
痛民望國苦遇之為難惋歎之深不能自已汝亦同不可言往
矣如何

王曇首為侍中卒文帝為之慟中書舍人周赧侍側曰王家欲
衰賢者先殞帝曰直是我家衰耳

孝武帝時司徒劉延孫卒將葬帝詔曰故司徒文穆公延孫居
身寒約家素貧虛每念清美良深悽歎葬送資調固當闕乏可

賜錢三十萬米千斛

何偃為吏部尚書卒官孝武與顏竣詔曰何偃遂成異世美志
長往與之周旋重以姻媾臨笑傷惋良不能已往矣如何宜賜
散騎常侍金紫光祿大夫本官如故謚曰靖

南齊武帝時征虜將軍假節督青冀二州刺史崔祖思卒帝歎
曰我方欲用祖思不幸可惜詔賻錢三萬布五十疋

王儉為中書監薨吏部尚書王晏啓及儉喪武帝答曰儉年德
富盛志用方隆豈意暴疾不展救護便為異世奄忽如此痛酷
彌深其契潤難運義重常懷尋言悲切不能自勝

柳世隆為侍中卒武帝勅吏部尚書王晏曰世隆雖抱疾積有
歲年志氣未衰莫醫藥有效全差可期不謂一旦便為異世痛

坦之深也何可言

明帝即位初謂僕射徐孝思曰劉懷慰若在朝廷不憂無清吏也先是懷慰為齊郡太守大祖手勅褒賞後出監東陽郡為吏民所安

梁高祖為梁公時給事黃門侍郎陶季直辭疾還鄉里天監初就家拜大中大夫高祖曰梁有天下遂不見此人

到沆勤學善屬文為人不自伐不論人長短高祖甚愛其才以為太子洗馬遷中書舍人又為北中郎諮議參軍天監五年卒官三十高祖甚傷惜

任昉為新安太守為政清省吏民便之視事暮歲卒於官舍時年四十九高祖聞問方食西苑綠沉瓜投之於盤悲不自勝因

屈指曰昉少時常恐不滿五十今四十九可謂知命即日舉哀哭之甚慟

臧厥為散騎常侍中書通事舍人兼司農卿卒官厥前後居職所掌之局大事乃蘭臺廷尉所不能決者勅並付厥厥辨斷精詳咸得其理厥卒後有搃登聞鼓訴者求付清直舍人高祖曰臧厥既亡此事便無可付其見知如此

孔休源為金紫光祿大夫監揚州中大通四年薨卒高祖為之流涕顧謂謝舉曰孔休源奉職清忠當官直方欲共康亮治道以隆王化奄至殞沒朕甚痛之舉曰此人清介彊直當今罕有臣竊為陛下惜之

鄭紹叔為左將軍散騎常侍卒後高祖常潛然謂朝臣曰鄭紹

叔立志忠烈善則稱君過則歸己當今無比其見賞惜如此
元帝初為湘東王時都督雍梁等州軍事平北將軍張纘為杜
岸所執送岳陽王登登敗為防人所害帝秘制贈侍中衛將軍
開府謚簡憲公纘有鑒識字見帝便推城委結及帝即位追思
之嘗為詩其序曰簡憲公為人也 不事王侯負我任氣見余則
申旦達夕不能已已懷夫人之德何日忘之

後梁明帝天保十四年尚書令王操卒帝舉哀於朝堂流涕謂
其群臣曰天不使吾平蕩江表何奪吾賢相之速也及葬親祖
於瓦棺門贈司空

陳高祖永定三年五月北江州刺史熊曇即殺都督周文育舉
兵反及文育之柩至自建昌高祖素服哭於朝堂哀甚

北齊高祖至冀州追憶故刺史封隆之顧謂冀州行事司馬子
如曰封公積德履仁體通性達自出納軍國垂二十年契闊艱
虞始終如一以其忠信可憑方以後事託之何期報善無徵奄
從物化言念忠賢良可痛息為之流涕令參軍宋仲英以大牢
就祭焉


孫搴為散騎常侍司馬子如與高季式召搴飲酒醉甚而卒時
年五十三高祖親臨之子如叩頭請罪帝曰折我右臂仰覓好
替還我子如舉魏收李奉式陳元康以繼搴焉

武成帝天統初秘書監張耀奏事遇疾仆於御下臨視呼教聲
不應帝泣曰豈失我良臣也旬日卒時年六十三詔稱耀忠貞
平直溫恭廉慎贈開府儀同三司尚書右僕射燕州刺史謚曰

簡

梁太祖開平四年五月魏博節度使守大師兼中書令鄴王羅
紹威薨帝哀慟曰天不使我一海內何奪忠臣之速也詔贈尚
書令

新刊監本冊府元龜卷之二百四



Vertical text on the right page, likely bleed-through from the reverse side. The text is faint and difficult to read, but appears to be organized in columns.

7

